



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

XII. Clericus a laico praesentatus, si ab episcopo non fuerit institutus, & appellauerit; licet alius postmodum intrusus fuerit, ab ecclesia debet amoueri, & alias institui.

urn:nbn:de:hbz:466:1-15588

Negantis
factum pro-
bationes ad-
mitti.

nonica fuerit opposita, non proponat. Porro licet negan-
tis factum nulla inueniri posse probatione dicatur, eius
tamen qui renuntiationem spontaneam negat, cum im-
plicite & quodammodo replicando inficiatur, super actio-
ne sua probationes credimus proferendas, habita nihilo
minus, ut decet, ad personarum dignitatem & opinio-
nem relatione.

ANNO
CHARLES
173.

C A P. X. *Ex decretis Hormisdæ papæ.*

Nullus fidelis, cuiuscumque conditionis sit, occulte
nuptias faciat: sed benedictione accepta a sacerdote, pu-
blice nubat in Domino. Si quis ergo sacerdos aliquos oc-
culte coniunxisse inuentus fuerit, ab officio triennio sus-
pendatur.

C A P. XI.

Dunelmensi episcopo & fratribus Reuesbi.

Proposuit nobis dilectus filius noster Vu. clericus præ-
sentium lator, quod cum ipse ad ecclesiam de * Vuadher,^{Vuadher}
a Reinero Flandrensi venerabili fratri nostro Eboracensi
archiepiscopo, apostolicæ sedis legato præsentatus fuisset,
idem archiepiscopus eum ad ecclesiam non recepit. Inde
est quod discretioni vestræ per A. S. mandamus, quatenus
si idem archiepiscopus ad commonitionem vestram præ-
fatum Vu. in ipsa ecclesia, quam citius poterit non insti-
tuerit: vos rei veritatem legitime inquiratis, & si vobis con-
stiterit ex parte Vu. dummodo idoneus sit, quod ad ipsam
vacantem fuerit prædicto archiepiscopo præsentatus, ad
eamdem ecclesiam auctoritate nostra, amoto illo qui eam
detinet, etiam si quis post præsentationem eius & appella-
tionem, quam se ad nos fecisse proponit, incussus est, ap-
pellatione remota, cum fructibus inde perceptis post pri-
mam præsentationem, eum recipere minime differatis.

Præsentati
& non ad-
missi appel-
lationem te-
nere.

C A P. XII.

*Eboracensi archiepiscopo; Pars capituli: In eminenti-
de appellationibus.*

De cetero noueris, quod si sententiam a nobis latam
præceperimus per aliquem executioni mandari, & fraus
interuenerit, non est facultas executori de negotio toto

ANNO
CIRISTI
1179. cognoscere, sed referri, quoties quæ inciderint, ad sedem
apostolicam oportebit.

C A P. XIII. *Eboracensi archiepiscopo.*

In eminenti specula ecclesiae, licet immeriti, disponente Domino constituti, intendere debemus consultationibus singulorum: & prout Deus nobis reuelauerit, propositas enodare. Consulisti autem, si causa, appellatione remota, commissa, altera partium ante citationem vel post citationem, ante sententiam vel post sententiam, ad sedem apostolicam appellauerit, an appellationi sit in huiusmodi deferendum. Præterea si causa fuerit, appellatione remota, commissa, & alter aduersariorum appellat, quia delegatus iudex non vult super suggestione falsi probationes admittere contra Cantuariensis literas impetratas, an in hoc casu teneat appellatio, quæsiuisti. Dubitas etiam, si duobus fuerit causa commissa, appellatione remota, & alter suo coniudici vices suas commiserit, an ille solus possit procedere appellatione remota, vel ab eo liceat appellare, cum in fine non sit appositorum, ut si vterque nequuerit interesse, unus procedat. Prima ergo questioni respondeamus, quod causa, appellatione remota, commissa, appellationi non debet deferri, siue ante citationem, siue post, siue ante sententiam, siue post, fuerit appellatum: nisi appellans priusquam citaretur, iter arripuisse ad sedem apostolicam veniendi. Quod autem quæsiuisti, si aliquis appellauerit, quia delegatus iudex super suggestione falsi audire probationes recusat, an appellatio teneat, hoc tuam volumus discretionem tenere, quod in eo casu debet appellationi deferri. Ab uno vero iudicium, appellatione remota, in causa procedi non potest, nisi hoc speciale in literis commissoriis exprimatur.

C A P. XIV. *Lucius tertius.*

Quoniam ex plenitudine potestatis, dicitur. Et infra: Consultere decreuisti, de quibus personis intelligendum sit, vnam alteri in ecclesiasticis beneficiis succedere non debere: vtrum scilicet, de sacerdotibus & eorum filiis dumtaxat, an & de aliis quibusdam personis. Noueritis ergo quod ad ecclesiastica beneficia nullum secundum Can-